

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در

فکرانیه محاکمه سی

آبونه اولقی ایستینلر دائره عدلیه ده
اداره مخصوصه سنه مراجعت
ایملدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تجربیات

لریوز قضای بدایت محکمه سی ریاستی قالونیه
ناحیه سی بدایت محکمه سی رئیس شوکت افندی به
قالونیه ناحیه سی بدایت محکمه سی ریاستی دلونیه
قضای بدایت محکمه سی مدعی عمومی معاون عثمان
افندی به

دلونیه قضای بدایت محکمه سی مدعی عمومی
معاونلکی مکتب حقوق شاهانه مأذونلرندن نهاد
افندی به

یافه قضای تجارت محکمه سی ریاستی مکتب
حقوق شاهانه مأذونلرندن نجیب فارس افندی به
تفویض بیورلمش ومومی الیهمدن محلف اولیان
نجیب ونهاد افندیلرک علی الاصول امر تحلیف لری
دردست اجرا بولمشددر.

در سعادت اعلامات نظامیه اجرا دائره سی باش
معاونی رفعتلو حلیم افندی به وظائف موکوله سی
حسن ایفاده مشاهد اولان غیرتنه مبنی رتبه ثالثه
توجیه بیورلمشددر.

تجربیات و تحولات

عدلیه نظارت جلیله سی امور جزائی قلمی ممیز
ثانیلکته سیروز سنجانی بدایت محکمه سی مدعی
عمومی معاونی قوتلو جمال بک تعیین اولمشددر.

تبلیغات

۶۱۶ نومرولی نسخه ده مندرج نظامنامه نک

بقیه سی:

اوتوز اوچنجی بند اشبو مساحه معاملاتی
مصارفی قارشولنی اولقی اوزره اراضینک هر دونمندن
لاذقیه سنجانی ایله بیروت ولایتده تطبیق اراده سنیه

جناب پادشاهی به اقتران ایلیان قاعده وجهله اوتوز پاره
آله جنی کبی شهر وقصبه لر داخلنده کی املاک
ومسقات وسائر نک قیمت لری اعتباریه ویکده
برغروش حسابیه مساحه اجرتی آله جقدر.

اوتوز دردنجی بند اشبو مساحه اجور اتندن
مهندس لره دیگر مستخدمینک استحقاق لری اعطا
اولندقدن صوکره فضله سی دفتر خاقانی به ارسال
اولنه جقدر.

اوتوز بشنجی بند اشبو عمومی یوقلمه نک
صور اجرائیه سیله اتخاذ اولنه جق قیود اساسیه نک
تعریفاتی تعلیمات مخصوصه ایله آیروجه تعیین وتفصیل
ایدیله جقدر.

اوتوز التنجی بند هر قریه ومحله نک امام
ومختاری وروحانی مأموریه هیئت اختیاریه سی
والحاصل بر قریه ویا محله ده علم وخبر اعطاسنه
صلاحیت دار اولان کیمسه ویا هیئت بولندقلری قریه
ویا محله داخلنده کرک سند عادی ایله آلم صاتم
اجراسی صورتیه اولسون وکرک قانوناً برسبیل
محلول اوله رق آخری طرفندن فضولی ضبط ایدلمش
ویا اراضی مواتن بلا رخصت اعمار واحیا ویا خود
تجاوزاً ضبط ایله استعمال اولمش بولسون بلا سند
خاقانی تصرف ایدلمکده اولان محللرک موقع ونوع لریله
کیملردن نه صورتیه قاهره رق کیمک طرفندن ضبط
وتصرف ایدلمکده اولدیغنی ویا محلول وخالی بولندیغنی
اوقریه ویا محله نک مربوط اولدیغنی دفتر خاقانی اداره سنه
هر اوچ آیده بر دفعه بادفتر اخبار ایتمک وقریه
ومحله لری داخلنده املاک وراضی وسائر به متصرف
اولانلردن وفات ایدنلره آنلرک وارث واصحاب حق
انتقالدن کیمسه لری بولنوب بولندیغنی وبولندیغنی
تقدیرده حق ارث وانتقاللرینک صورت ودرجاتیه
اسملرینی وممکن اوله بیلیکی قدر محل اقامت لری
بالتحقیق کذلک هر اوچ آی نهایتده مذکور اداره لره
بادفتر اخبار واعلام ایتمک مجبوردرلر. خلاقی
حرکتده بولنانلر قانوناً مسئول طوتیه جقدر.
اوتوز یدنجی بند اشبو اخبارنامه لر اوزرینه

دفتر خاقانی اداره لر نجبه اصول ونظامی دائره سنده
وتدقیق یوقلمه سی نامیه کیفیت ثبت دفتر ایدیلره رک
ولزوم کوریلان محللر حقننده دخی تحقیقات محلیه
اجرا قلنهرق فضولی تصرف لری تحقق ایلیانلر اداره
منع ایدیله جقدر.

اصحاب انتقالدن اولانلره وحق تصرف لری
عند التدقیق تبیین ایدنلره موقت تصرف علم وخبری
اعطا ومحلولات ایله بلا رخصت کشاد واحیا اولنان
اراضی حقننده دخی اصولی دائره سنده معامله ایفا
ودفتر لری جانب نظارته اسرا قلنه جقدر.

اوتوز سکرنجی بند هر سنجاق دفتر خاقانی
مأموری سنده لااقل اوچ آی مدت ملحق قضا لره
نواحی وقرایی کشت وکذار ایلیه رک معاملاتک انتظام
جریانی تدقیق وسندسز املاک وراضی وسائر نک
نصرف ایدلمکده ایسه آنلرک اصول ونظامی دائره سنده
سنداته ربطی اسبابی تأمین ایتمک وتحقق ایلیه جک
خرج ورسوم وبدلات مثلیه بی تحصیل اموال امیریه
نظامنامه سنده کی صور تحصیلیه به متدائر مواده تطبیقاً
تحصیل ایتدیرمکه مجبوردر.

اوتوز طقوزنجی بند هر قضانک طابو کاتبی
کذلک سنده اوچ آی ملحق نواحی وقرایی کشت وکذار
ایله سندسز املاک وراضی وسائر تصرف ایدلمکده
ایسه آنلرک سنداته ربطی معاملاتنی ایفا و اوتوز
التنجی بنده محرر اولدیغنی اوزره محللرندن ویرلمش
اولان اخبار دفتر لرنده مندرج یرلر حقننده لزوم
کورینان تحقیقاتی اجرا ایلیه جک واشبو معاملاتنی
حاوی دفترلر اوزرینه حاصلات متحققه بی بند
سابقده محرر اصول موضوعه سنه توفیقاً تحصیل
ایتدیره جقدر.

قرقنجی بند یوقلمه معاملاتی ایچون مخصص
اولان یوزده اون سکز عائدات کماکان اعطا قلنه جقدر.
قرق برنجی بند اوتوز التنجی بنده محرر
اولدیغنی وجهله اخبارنامه لر اوزرینه ثبت دفتر
ایدیله جک خرج لر ومحللر نجبه تحقیقاتی اجرا اولنیا
محلولات بدلات مثلیه سی تحصیلاتی ایچون مارالذکر

یوزده اون سکر عائدندن یوزده اتیسی بالاافراز
تحصیلیه اوله رق اعطا قلنه حق و اخباریه و محولات
دلایله سی دخی کسان بدلاندن محسوباً تسویه
اوله جقدر .

دردنجی قسم

مدیر و مأمورین و مستخدمینک ترقی و تنزیل
صنفرینه دائرد

قرق ایکنجی بند هر ولایت و سنجاق و قضا
ایله طایو کاتبی مستخدم اولان ناحیه نیک بش سته لک
وارداتنک جمع و تخمیس صورتیه واردات مقتنیه سی
تعین و جداول مخصوصه ایله مقادیری محلیه تبلیغ
اوله حق و اشبو جدول هر بش سته ده بر تجدید
ایدیه جقدر .

قرق اوچنجی بند جداولده مرقم واردات
مقتنیه سنویه بی اوج سته متوالیه یوزده بکری بش
فضله سیله تحقق و تحصیل ابتدین و امور مأموره لرینه
متفرع معاملانده جدا ابراز سی و اقدام ایلیان مدیر
و مأمورله کتبه ترفیع صنفه کسب استحقاق
ایدرلر .

اشبو مأمورلردن برنجی صنفه بولنال قضال
طایو کاتبی طقوزنجی بند احکامنه توفیقاً بالامتحان
ابراز لیاقت ایملکری صورتیه دیگرلرینه ترجیحاً
دردنجی صنف دفترخاقانی مأمورینه و کتابت رفاقتده
بولنارده منسوب اولدقلری لوالر مجالس اداره سنده
بالامتحان اثبات اهلیت ایملکری تقدیرده دردنجی
صنف قضا طایو کتبه انتخاب و تعین اولورلر .
قرق دردنجی بند بند سابق احکامنک تمامها
اجراسنه صورت متادیده دقت و نظارت ایدیه جکندن
مقام نظارتدن امور مودوعه لریده تراخی و تکاسل
ایلیان مدیر و مأمورلر ایله قضا لر کتبه سندن اخطارنامه لر
ایله اسباب تکاسلری استعمال ایدیه جکدر .

قرق بشنجی بند اشبو اخطارنامه لرک محلیه
ایصالی تاریخندن اعتباراً برماه ظرفده اسباب مانعه نیک
نهدن عبارت ایسه ایضاً زیری مهرلی ورقه ایله
نظارت اشعاری و مانع مجرک وقوعی مصدق محلی
مجلس اداره سندن مضبطه اخذ وارسالی مجبوریدر
مدت مذکوره ظرفده جواب ویرمیانلره ایملک
دفعه سنده مقام نظارتدن توخنامه کوندریله جکدر .

قرق التنجی بند ایکنجی دفعه کوندریلان
اخطارنامه لر ایضا ایتمیلرک و تکاسله ترمد ایلیانلرک
جزا قانوننامه هایوننک یوز ایکنجی ماده سنک فقره
اولیسی حکمنه توفیقاً برر ایلقی معاشلری قطع
و کیفیت سجل قیدلرینه درج ایدیلور .

قرق یدنجی بند قطع معاش صورتیه سجل

قیدلری مشروح اولانلر حقلرنده اوچنجی دفعه سنده
تنزیل صنف معامله سی اجرا ایدیلور و ایکی دفعه
صنفرلی تنزیل ایدلش اولانلر عین حالک تکرری
وقوعنده التی آی مدت آچیقده برافلقق اوزره
سالف الذکر جزا قانوننامه هایوننک یوز ایکنجی
ماده سنک فقره اخیریه سی حکمنه توفیقاً مأموریتلرندن
عزل ایدیلور .

قرق سکرنجی بند اسباب مشروحه دن ناشی
عزل ایدیلانلرک استخداملری مانع بشقه سبب
و ایلشکلری اولدیغی صورتیه التی آی ختامده
مأموریت و خدمت لرینک نوعلرینه کوره الک اشاغی
درجه سندن آچیلحق دیگر بر مأموریت و خدمت
تکلیف اوله حق و بویله اوج دفعه مأموریت تکلیف
اولنوبده قبول ایتمیانلر مستکشف عد ایدیه جکدر .

قرق طقوزنجی بند اشبونظامنامه نیک اجراسنه
دفترخاقانی نظارتی مأموردر .

فی ۱۹ جمادی الآخره سنه ۱۳۲۵
وفی ۱۷ تموز سنه ۱۳۲۳

محاکمات مقدماتی

ارطغرل سنجانی بدایت محکمه سی مدعی عمومی
معاون اسبقی خلیل خالص افندینک اوراق انفصالیه
و مدافعه نامه سی انجمن انتخاب مأمورین عدلیه جه
لدى التدقیق جواز استخدامنه قرار ویرلشدر .

محکمه تمیز حقوق دائره سندن تنظیم واعطا اولنان اعلامدر :

صامسون زراعت باقیه سی شعبه سیله صامسون
قصه سنه تابع کرجه قریه سنده ساکن تراییان استپان
بیننده متکون دعویه دائر صامسون بدایت محکمه سندن
۱۹ اغستوس سنه ۳۰۸ تاریخى و یوز طقسان عددی
ایله ویریلان اعلام شعبه مذکوره طرفندن تمیز
ایملکله باش مدعی عمومیک مأموریت بیه سنک
مطالعه نامه سی آلتقدن سوکره اعلام مذکور مستدعینک
اعتراض لایحه سیله بالمطالعه تدقیقات تمیزیه اجراسنه
ابتدار قلندی .

اعلام مذکورک خلاصه مالی شعبه مذکوره
وکیل کرجه قریه سی ساکنلرندن مرطاولغلی سیمون
و قسطنطنین اوغلی واسیل نام کسینلرک مرقوم استپان
کفالتیه ملغا منافع صندوقندن برقطعه سند موجبجه

استقراض ایتش اولدقلری بیک طقسان غروشک
لیرا یوز بکری غروشدن مع فاض بالغ اولدیغی ایکی
بیک الی سکر بقی غروشک کفیل مرقومدن
تحصیلی طلب و دعوی ایتسی و لاجل الحاکمه تعین
اولنان کونده مدعی علیه مرقومک عدم اجابتی اوزرینه
رأس المال مزبورک یوزده بش قاضیه بالغ اولدیغی
ایکی بیک الی سکر بقی غروشک کفیل مرقومدن
تحصیلی حقدده اعطا اولنان حکم غیابی به مرقوم
استپان اعتراض ایملکه جریان ایدن محاکمه و تدقیقات
نتیجه سنده سند مذکورده کی کفالت کفالت معافه
قیلندن بولندیغندن و بویکی شرطه معلق و زمان مستقبله
مضاف اوله رق منعقد اولان کفالتده ایسه شرط تحقق
و زمان حلول ایتمکجه کفیل مطالب اوله میه جفندن
شعبه مذکوره وکیلک اول امرده مدیونه لدی المراجعه
عدم تأدیه سی حکماً و رسماً تحقق ایتدکن سوکره
کفیه مراجعتی لازم کله جکته بناء شعبه مذکوره
وکیلک بوبایدکی ادعاسنک ردی ایله حکم غیابینک
فسخه حکمدن و مستدعینک اشبو حکم علیه سده
لایحه سنده محرر باشلوجه اعتراضی کفالت واقعه
مدت معینه نیک ختامده مبلغ مدایه ک تأدیه سیله
مشروط اولدیغی و مدت مذکوره دخی حلول و مرور
ایلدیکی حالد برمنوال محرر رد ادعایه حکم ایدلیسی
مغایر قانون اولدیغندن بجله اعلامک تقضی استدعاسندن
و مطالعه نامه مندرجاتی دخی مندرجات اعلامه نظراً
مستند ادعا اولان سند حکمنه نظراً لایحه تمیزیه ده
درمیان اولنان اعتراضات موافق قانون کوریه مدیک
بیانندن عبارتدر .

ایجابی مذاکره اولدقدده اعلام مذکور مألندن
اکلاشلدیغی اوزره کفالت واقعه نیک مشروطاً و موقتاً
و قوعولش اولسی جهتیه اول امرده اصله مراجعتله
شرط مذکور رسماً و حکماً تحقق ایتمکجه کفیه
مراجعت اوله میه جفته حکم ایدلش ایسه داینک
طوغریدن طوغری به مدیوندن مطالبه ایدرک استیفای
مطلوب ایدمه امسیله شرط تحقق ایدوب رسماً مطالبه به
حاجت اولما سنه بناء محکمه مذکوره نیک طلب
مذکورک رسماً و قوعی و مبلغ مذکورک استفا ایده .
مدیکنک حکماً ثبوت لزومنه ذهابله او بولده حکم
ایتسی مخالف قانون اولدیغندن اصول محاکمه حقوقیه
قانوننک ایککیوز قرق برنجی ماده سی موجبجه اعلام
مذکورک قضته و قانون مزبورک ایککیوز قرق دردنجی
ماده سنه توفیقاً کیفیتک رؤیت اولنسی ضمنده محکمه
مذکوریه اعاده سنه ۲ نپسان سنه ۳۱۳ تاریخده
متفقاً قرار ویرلدی .

نومرو لی نسخه ده مندرج درسعادت جنایت محکمه سی اعلامنک بقیه سی :

مهملردن اسکندر طرفندن ویرلش اولان
استدنامه ده جلبرلی طلب اولنلاردن هاشم و ویسی
و کال و میرزانک ده ریاستجه استاعلرندن فراغت ایدلدیکی
طرفیه آکلادلدی واقع اولان استیضاح اوزرینه طرفین
توسیع تحقیقاته متعلق طلبلری اولدیغی سوللریله
تحقیقاتک بوندن عبارت ایدوکی بیان اولدقدده معاون
موی الیه جریان ایدن محاکمه دن حاصل اولان نتیجه به نظراً
مهملردن جبرائیل قابزنلکه و ابراهیم ایله اسکندرکده
قلب سورجیلکجه جرأت ایتدکلری ثابت اولدیغندن
بخشله اکا کوره مجرمیلرینه قرار ویرلسنی طلب وادعا
ایلدی .

مدافعه وکیللردن آقرپاس افندی جبرائیلک
وحدی افندی ده ابراهیم و اسکندرک مدافعه سی
درعه ده ایدرک مدافعاته ابتدارله بولردن آقرپاس
افندی موکلی جبرائیلک و خامتنی تقدیر ایتیه رک
قابزنلکه جرأت ایتدکی اقرار ایتش ایسه ده بو
اقراری مدار حکم اوله میه جفتی و احوال سائرده ده
اقراری مؤید کوریه مدیکنی بیان وحدی افندی
دخی متهم جبرائیل حضور محکمه ده قابزنلکه شریکی
موکلری اولدیغی سولدیکنی و موکلرینک قابزنلکه
اشتراکنه و قلب سورجیلکجه جرأت ایتدکلرینه دائر
دلیل مفقود بولدیغی و موکلرندن اسکندرک اوزرنده
ایکی عدد قلب مجیدی چاریکی ظهور ایتش ایسه ده
مذکور چاریکرک قلب اولدیغی بیلهرک آلدینی آکلا .
شیه مدیغی و کندوسی صراف و قیوچی اولدیغی جهتله
مذکور چاریکرک قلب اولدقلری بیه میه جکتی اتیان
ایدرک هررلری موکلرینک برائیلرینه قرار ویرلسنی
استدنا و مهملرده بشقه دیه چکلری اولدیغی انبا
ایتمیلرله محاکمه نیک ختام بولدیغی تفهیم اوله رق مذاکره
اوطه سنه کیدلدی .

مرسوم اوراق ضبط اولان محاکماتدن استنتاج
اولنان دلائل و بیانه و اوراق تحقیقیه مندرجاتی سراپا
مطالعه و تدقیق اوله رق استطلاع قلنان اماراته امعان
نظر اوله رق مذاکره جاریده ده قلب مجیدی چاریکی
احمال ایتملرندن طولانی اتهام اولسانلردن جبرائیلک
حضور محکمه ده عند الحاقوبه فاتح جوارنده چرچرده
واقع خانه سنده یمش اولدیغی قابلر ایله برقاچ ایدن برو
کوش وفاقووندن قلب مجیدی چاریکی اعمال ایتدکیکی
و مذکور چاریکلردن درت عددی اسکندر و یردیکی
و اثباتی محاکمه ده کندوسنه ارانه ایدیلان و اسکندرک
اوزرندن ظهور ایتش اولان ایکی عدد قلب مجیدی
چاریکی ایله هنوز تسویه ایدماش سکسان بر عدد مجیدی

چاریکلری مذکور قابلر ایله کندوسی اعمال ایتش
اولدیغی و مأمورین طرفندن خانه سی تحری اوله رق
محکمه ده ارانه اولنان قابلر ایله قابزن آلات وادواتنک
الده ایدلدیکنی و اعمال ایتدکی قلب چاریکرک سیواسلی
مصطفی افندی نامنده بری واسطه سیله سورلدیکنی
طایعاً مقر واستماع اولنان شاهدلردن مرقوم سیواسلی
مصطفی افندینک مهملردن جبرائیلک قابزنلک ایتدکیکی
خبر آله رق برکون مرقومک یاننده چراقلقی ایدن
اوغل کاظمی کوروب زویه کتدکیکی صورقدده
جبرائیلک و یردیکی ایکی چاریک ایله کور آلفه
کتدکیکی سولسی اوزرینه کاظمک الله کی چاریکره
باقه رق قلب اولدقلری آکلامسیله قلب چاریکلری
آلوب حکومته اخبار کیفیت ایدلکیکی مع القسم
مواجهه اخبار ایدوب اوراق موجوده دخی
مرقوم مصطفی افندینک مخبر اولدیغی مشعر اولسنه
و مرقوم جبرائیلک خانه سنده سکسان بر عدد هنوز
تسویه اولماش مجیدیه چاریکی و بونلری اعاله
مخصوص متعدد قابلر علامتی و طغرا اعمالی ایچون
استعمال ایدیلان زما قالی و پوته و کفچه و مجیدیه
چاریکنک قطری تعینه مخصوص آلت و سائر قابزن
ادواتی و مخلوط اچمه مرکباتی ظهور ایدلکیکی اجرا
ایدیلان تحریاتی حاوی ضبط ورقه لرنده اشعار قنوب
بوده اعترافی تأیید ایتسنه مینی مرقوم جبرائیلک
وکیل آقرپاس افندینک مدافعاتی غیر مقبول والحاصل
مرقومک قلب مجیدیه چاریکی اعمال ایله قابزنلکه
جرأت ایدلکیکی بیانات مسروده ایله درجه ثبوته
موصول اولدیغندن اولوجه مجرمیده و دیگر متهم
ابراهیم و اسکندرک اشبو قابزنلک فعلنده مرقوم
جبرائیله اشتراک و معاونت ایدلکلری و قاب سور
یحیلکتنده بولندقلری خصوصنده موجود اولان
احوال تجربیلری ایچون تأمین وجدان ایدمه ماش
اولدیغی کی مرقوم جبرائیل دخی کندوسی اخبار
ایدن ابراهیم و اسکندر اولدیغه ذهاب اوله رق مرقومانه
افتراده بولدیغی سولدیکندن مدعی عمومی معاوننک
مرقومانک تجربیلری حقدده کی ادعاسنک ردیه
آنلرکده برائیلرینه متفقاً قرار ویریه رک محاکمه
اوطه سنه عودتله قرار مذکور علناً قرائت و بیان
اولدقدده و برائیلرینه قرار ویریلانلر متهم محلسندن
جیقارلدقن سوکره معاون موی الیه مجرم جبرائیلک
قانون جزانک یوز قرق اوچنجی ماده سنه توفیقاً
تعین جزاسنی طلب وادعا و مدافعه وکیل آقرپاس
افندیه موکلنک تخفیف جزاسنی استدعا و مجرمده
بردیجکی اولدیغی انبا ایتمیلرله بوجهت حقدده کی
ختام بولدیغی تفهیم اوله رق تکرار مذاکره اوطه سنه
کیدلدی .

جهت جزایه حقدده مذاکره کیفیت اولدقدده
مجرمیتی قرار آلتنه آلتان جبرائیلک حرکتی قانون
جزانک یوز قرق اوچنجی ماده سنه موافق و ماده
مذکوره دخی « دولت علبه ده تداولی نظاماً مقبول
و مقرر اولان آلتون و کوش مسکوکاته تقلیداً
مسکوکات قطع ایدن و ذکر اولنان مسکوکات
مقررده دن اکه وزما و تیزاب و یا سائر آلات و طریق
ایله آز جوق آلتون و کوش اخراج و افزا ایدرک
قیمت لری تقیص ایلیان و بر سکینی دها قیمتی اولان
آخر بر سکینه سوزومک اوزره آنک رنکنده
بالدزیلان و اوائلو قلب و زیوف مسکوکاتک نمالک
محرورسده تداوله و یا خود بلاد اجنیه دن کلوب نمالک
حضرت شاهانه ده خوله معین اولان و قلب سورجیلکیله
مشغول بولنان کسینلر اون سندن اکسیک اولماق
اوزره موقتاً کورک قونیلور « عباره سی ناطق
اولدیغندن بوماده حکمنه توفیقاً و ابتدای توفیقی
اولان ۳۲۵ سنه سی ربیع الاولک اوچنجی کوندن
اعتباراً مرقوم جبرائیلک اون سنه مداله کورک
قونلننه و اعلام و ضبط واستطاق خرچلری اولان
جمعاً یوز الی غروشک کندوسندن بالتحصیل عدلیه
وزنه سنه تسلیم ایتدیرلسن ۳۲۳ سنه سی تموزینک
اوتنجی کونی متفقاً قرار ویریه رک اصول تفهیمی
اجرا قلندی .

جوانینک لوتاریا جیلقی ایتدکیکی ثابت اوله مدیغندن
برائتنه
یورکینک و صغیر میچونک مضاربه ایدلکلری
ثابت اوله مدیغندن برائیلرینه
جعفرک یدنده بولنان باروتی سرقت قصد
و صورتیه آلدینی ثابت اوله مدیغندن برائتنه
فوطینینی ضرب و جرح ایدلکیکی تبین ایدن
محمود افندین بر آلتون آلتوب مضروب اعطاسنه
حیدرافندی به ناموسه طوقور سوزومکله برابر
ضرب و جرح ایدلکیکی تبین ایدن مظلون علیه
نوری افندینک ایکی ماه حبسیله برابر کندوسندن
بر آلتون آلته رق موی الیه حیدرافندی به اعطاسنه
نوری افندی به اطاله لسانده بولنان حیدرافندین
بر آلتون جزای نقدی آلتسنه
احمدی ضرب ایدن قهوه جی فتاحدن ایکی آلتون
آلتوب احمد اعطاسنه
اسماعیلی جرح ایدلکیکی ثابت اولان جکرچی
وانکلک بر آلی حبسیله برابر کندوسندن بر آلتون
آلته رق اسماعیل ویرلسنه
خلاف تنیبات اوزرنده سلاح طاشیدینی تبین
ایدن لغتدن بش بشک جزای نقدی آلتسنه

محمدضيانك محمودى ضرب ايلديكى ثابت اولديغندن برآلتون آلتوب مضروبه ويرلسنه معشوقك والدهسى الهامى خانمى ضرب ايتديكى ثابت اولديغندن اون كون حبسنه بك اوغلى بدايت محكمهسى جزا دائرهسنجه قرار ويرلشدر .

اعلانات

تجارت بحريه محكمهسنده

درسعادته محمود پاشا جوارنده سعيديه خاننده وشريف پاشا خاننده ده بوده اجراى تجارت ايدن نسيم پساح شركتتك ۲۹ ايلول سنه ۳۲۳ تاريخندن اعتباراً اعلان افلاسنه ومصالح افلاسيهك رؤيت وتسويهسى ضمننده اعضاي محكمهك سعادتلو ابراهيم بكك ژورقوميصر ودعوى وكيللرندن فلهلى كال افنديك موقت سنديك تعيينلرينه ومغازهسيلاه اشياى زائده بيتيهسنك تمهيريته واوراق ودفاترينك جلبنه وكفالت ارايه ايدمه من ايسه حبس وتوقيفلرينه وبوبابدهكى قرارك موقتاً اجراسنه تجارت بحريه محكمهسنجه قرار ويرلش اولديغندن قانوننامه تجارتك ۱۷۰ نجى مادهسى موجبجه دائمي سنديكلر انتخاب اولنقى اوزره [۱۳ تشرين اول سنه ۳۲۳] جمعيه ايرتسى كوني ساعت سكر راده لرنده اصحاب مطلوبك محكمه مذكورهك مصالح افلاسيه رؤيته مخصوص اوطهسنه كللى اعلان اولنور .

بالق بازارنده حاجى ايوب خاننده ساكن ايكن تجارت بحريه محكمهسندن افلاسنه حكم اولنش اولان پرودروموس داميانيديس شركتى ذمتنده آلهجغنى اثبات ويا موقتاً قبول وقيد ايتديرمش اولان آلهجقلوك قانوننامه تجارتك ۲۱۱ نجى وآنى ولى ايدن مادهسى موجبجه مفلس طرفندن تكليف اولنهجق قونقورداتونك مذاكرهسى ايچون [۴ تشرين اول سنه ۳۲۳] پنجشنبه كوني محكمه مذكورهك مصالح افلاسيه رؤيته مخصوص اوطهسنه كللى اعلان اولنور .

ايكنجى تجارت محكمهسنده :

بك اوغلنده نكيه زقاغنده نومروسز دكانده مقيم ايكن ايكنجى محكمه تجارتدن افلاسنه حكم اولنش اولان پنايوط داق اوغلنك خصوصات افلاسيه سنك رؤيت وتسويهسى ضمننده دعوى وكيللرندن آندريا يونايدي افندي اصالة سنديك تعيين قلمش اولديغندن

مفلس مرقوم ذمتنده آلهجغنى اولانلرك قانوننامه تجارتك ۱۹۹ و ۲۰۰ نجى مادهلرى موجبجه تحقيق ديون ايچون تاريخ اعلاندن اعتباراً يكرمى بركون ظرفنده سنداتى محكمه كاتبه تسليم ايللرى ومدت مذكوره ختامندن صوكره اوچ كونده يعنى ۳۲۳ سنهسى تشرين اولنك اون بشنجى بازار ايرتسى اون التنجى صالى واون يدنجى چهارشنبه كونلرى تجارت بحريه محكمهسنك مصالح افلاسيه رؤيته مخصوص اوطهسنه كلرك سنديك افندي مواجههسنده آلهجقلرينى اثبات وقيد وتصديق ايتديرملى ومدت مذكورهده اثبات وجود ايدمه بين آلهجقلولر حقنده قانون مذكورك ۲۱۰ نجى مادهسنه توفيقاً ايفاي معامله اولنهجغنى اعلان اولنور .

بالق بازارنده كتانجيلر جادهسنده واقع مغازهسنده ساكن ايكن ايكنجى تجارت محكمهسندن افلاسنه حكم اولنش اولان شيشه وطباق تجارندن خايم غرشونك ذمتنده آلهجغنى اثبات ويا موقتاً قبول وقيد ايتديرمش اولان آلهجقلولرك قانوننامه تجارتك ۲۱۱ نجى وآنى ولى ايدن مادهسى موجبجه مفلس طرفندن تكليف اولنهجق قونقورداتونك مذاكرهسى ايچون ۳۲۳ سنهسى تشرين اولنك سكرنجى بازار ايرتسى كوني محكمه مذكورهك مصالح افلاسيه رؤيته مخصوص اوطهسنه كللى اعلان اولنور .

محكمه تجارت اجرا دائرهسنده :

ايساق ولد شالومه اولان دين محكومندن طولاي پرودروموس قومبولوسك بلاطده آياستراطى كليساسى قارشوسنده كائن خانهسنده موجود دولاب قناه لامبه كلیم وسائر مثلولو اشياسنك فروختى قرار آلتنه آلتنه اولديغندن برموجب قرار اشياى مذكوره تشرين اول رومينك سكرنجى بازار ايرتسى كوني ساعت بشدن التيه قدر مذكور خانه پيشگاهنده مأمورى مواجههسنده علناً بلمازايده فروخت اولنهجغندن اشتراسنه طالب اولانلرك يوم ووقت مزبورده محل مذكورهده حاضر بولنلرى محكمه تجارت اجرا دائرهسندن اعلان اولنور .

مرمرىس بابت محكمهسنده :

جزاير بحر سفيد ولايتى داخلنده سومبكى جزيرهسى اهاليسندن وتبعه دولت عليهدن ايراقلى يوركى آندونيادى وهمشيرهسى خريساتينك فلمنك دولتى تبعهسندن آلفرد سلارس ايله ساقز جزيرهسنده مقيم جون قوكينو ذمتلرنده با اعلام محكوم به آلهجغنى

اولان اشجار مقطوعه بدلى يوز بيك غروشك مصارف محاكمه ايله تحصيلى ومحبوز حطبلرك صاتيوب اتمانندن ذكر اولنان اشجار مقطوعهك بدله محسوباً تسويه وايقاسى حكمى متضمن مرمريس قضاسى بدايت محكمهسى حقوق دائرهسندن غياباً واعتراضاً لاحق اولان اعلامات اوزرينه محكوم عليه مرقوماندن جون قوكينو آيدن ولايتى استيناف محكمهسنه مراجعتله استيناف دعوى ايلش ايسهده استيناف استدعا سنك ردينه قرار ويريلوب بناء عليه اعلامات مذكورهك تنفيذ واجراسى ضمننده داي مرقومان ايراقلى وخريساتى طرفلرندن قضاء مذكور اجرا دائرهسنه با عرضحال مراجعت اولنش ومحكوم عليه مرقومانندن آلفرد سلارسك اقامتگاهى مجهول اولديغنى اجرا قلمش مخبره نتيجهسندن اكلاشلمش اولغله اجرا قانوننامه هايوننك يكرمى طقوزنجى مادهسى حكمه توفيقاً تاريخ اعلاندن اعتباراً طقسان بركون ظرفنده اثبات وجود ايدمهك محكوم به دينى ايفا وتسويه ايتسى ايچون مرقوم آلفرد سلارس نامنه تنظيم قلمش برنجى اخبارنامه مرمريس قضاسى بدايت محكمهسى ديوانخانهسنه تعليق اولنديغنى كى مدت مذكوره دن صوكره مرقوم اثبات وجود ايتماز ايسه دينك ايفاسندن امتناع ايتش عد اولنهرق معامله لازمه قانونيهك ايفا وحكم اعلامك اجرا اولنهجغنى معلوم اولقى اوزره اعلان كيفيته ابتدار اولندى .

قره مرسل قضاسى بابت محكمهسى اجرا دائرهسنده :

قره مرسل قصبهسنده ساكن ذخيره تجارندن بوشناق محمد اغانك تپه كويلى رالى اوغلى يوردان ذمتنده برقطعه اعلام نظامى موجبجه محكوم به مطلوبى اولان مبالغ معلومهك تأمين استيفاسى ضمننده حيز آلتنه آلتان قره مرسل قضاسنه تابع تپه قريه سنك چامفور موقعنده واقع طرفلرى بيرام اوغلى مصطفى ومارقو ياني وپوليخرون وفوجيجى صاوه ايله محدود ودرونده بيوك وكوچك اولقى اوزره تخميناً اللى كستانه ودرت آرمود واوچ الما وسكر اريك ودرتيوز اللى يى متجاوز طوت اشجارى حاوى سكر دونم مقدارندهكى كستانهك تاريخ اعلاندن اعتباراً اون بش كون صوكره موقع مزايديه وضع اولنهجغندن طالب اولانلرك وبوندن زياده معلومات آلق ايسينلرك قره مرسل قضاسى بدايت محكمهسى اجرا دائرهسنه مراجعت ايللرى اعلان اولنور .